

Na osnovu člana 16. stav 2. Zakona o Vladi Zeničko - dobojskog kantona - Prečišćeni tekst („Službene novine Zeničko-dobojskog kantona“, broj: 7/10) i člana 4. stav 1. Zakona o koncesijama - Prečišćeni tekst („Službene novine Zeničko-dobojskog kantona“, broj: 5/03), na prijedlog Ministarstva za privredu, Vlada Zeničko-dobojskog kantona, na 152. sjednici, održanoj dana 20.07.2018. godine, d o n o s i

ODLUKU

o pristupanju provođenja procedure dodjele koncesije za istraživanje i eksploataciju krečnjaka na proširenom istražno-eksploatacijskom prostoru ležišta „Crkvice-Kamenolom“, K.O. Crkvice, Grad Zenica

Član 1.

(Predmet)

Pristupa se provođenju procedure dodjele koncesije za istraživanje i eksploataciju krečnjaka na proširenom istražno-eksploatacijskom prostoru ležišta „Crkvice-Kamenolom“, na dijelu parcele označene kao k.č.1338, K.O. Crkvice, Grad Zenica.

Član 2.

(Lokacija)

(1) Istražno-eksploatacijski prostor definisan je koordinatama prelomnih tačaka:

Tačka 1	Y= 6 495 454	X= 4 896 720
Tačka 2	Y= 6 495 408	X= 4 896 847
Tačka A	Y= 6 495 515	X= 4 896 850
Tačka B	Y= 6 495 649	X= 4 896 951
Tačka C	Y= 6 495 803	X= 4 896 880
Tačka D	Y= 6 495 833	X= 4 896 678
Tačka 1	Y= 6 495 454	X= 4 896 720

(2) Veza između tačke 1 i tačke 2 je po granici odobrenog istražno- eksploatacijskog prostora na lokalitetu ležišta „Crkvice-Kamenolom“. Veza između tačke D i tačke 1 je po granici zaštitnog pojasa prema regionalnoj cesti Zenica-Babino i zaštitnom pojasu prema Babinoj rijeci.

(3) Površina istražno-eksploatacijskog prostora za istraživanje i eksploataciju krečnjaka na proširenom istražno-eksploatacijskom prostoru ležišta „Crkvice-Kamenolom“, na dijelu parcele označene kao k.č.1338, K.O. Crkvice, Grad Zenica, je 107.200 m².

(4) Istražno - eksploatacijsko polje ima neposredni kontakt sa istražno - eksploatacijskim poljem za koje je već dodijeljena koncesija koncesionaru „Komgrad-Ze“ d.o.o Zenica.

Član 3.

(Opći eliminatorni uslovi)

Opći eliminatorni uslovi za izbor najpovoljnije ponude za dodjelu koncesije na istraživanje i eksploataciju mineralne sirovine krečnjaka na predmetnom lokalitetu su:

- a) Dokaz o ranije stečenim pravima na eksploataciju ležišta „Crkvice-Kamenolom“ (dozvola za eksploataciju);
- b) Dokaz o uspješnom poslovanju ponuđača u posljednje tri poslovne godine;
- c) Dokaz o uredno izmirenim javnim prihodima (porezima, doprinosima, koncesionim naknadama...);
- d) Garancija banke na iznos vrijednosti minimalne jednogodišnje eksploatacije mineralne sirovine krečnjaka prema ponuđenoj cijeni koncesine naknade, sa rokom važenja do 90 dana;
- e) Studija o ekonomskoj opravdanosti proširenja istražno-eksploatacijskog prostora na lokalitetu ležišta krečnjaka „Crkvice-Kamenolom“, urađena prema Načelnom sadržaju koji se može dobiti u Ministarstvu;
- f) Ovjerena izjava Koncesionara, čije istražno-eksploatacijsko polje graniči sa istražno-eksploatacijskim poljem iz predmeta ovog Javnog poziva („Komgrad-Ze“ d.o.o Zenica), o spremnosti regulisanja međusobnih obaveza i odgovornosti u provođenju mjera zaštite na radu i zaštite zdravlja zaposlenika, data u skladu sa članom 17. stav (4), Zakona o rudarstvu Zeničko-dobojskog kantona („Službene novine Zeničko-dobojskog kantona“, broj: 10/12).

(Posebni uslovi)

Posebni uslovi za izbor najpovoljnije ponude za dodjelu koncesije na istraživanje i eksploataciju mineralne sirovine krečnjaka su:

- Vrijeme koncesije za istraživanje i eksploataciju je 18 godina, od čega do 2 godine za istraživanje, a zavisit će od utvrđenih rezervi mineralne sirovine;
- Za eksploatisane količine mineralne sirovine dijabaza koncesionar je dužan plaćati kontinuiranu koncesionu naknadu u iznosu od minimalno 0,82 KM/m³ čvrste mase krečnjaka (slovima: osamdesetdva konvertibilna feninga po metru kubnom čvrste mase);
- Minimalna količina eksploatisane mineralne sirovine za koju je koncesionar obavezan plaćati kontinuiranu koncesionu naknadu je 100.000,00 m³/godini čvrste mase krečnjaka (slovima: stotinhiljada metara kubnih čvrste mase po godini);
- Minimalna jednokratna (fiksna) koncesiona naknada po hektaru istražno-eksploatacijskog prostora ležišta, "Crkvice-Kamenolom", na dijelu parcele označene kao k.č.1338, K.O. Crkvice, Grad Zenica, je 10.000,00 KM/ha (slovima: desetihiljada konvertibilnih maraka po hektaru).

(Ostali uslovi)

Ostali uslovi za izbor najpovoljnije ponude za dodjelu koncesije za eksploataciju i istraživanje mineralne sirovine krečnjaka su:

- a) Koncesija će se dodijeliti prema kriteriju najpovoljnijeg ponuđača, odnosno po principu najvećeg zbira bodova po osnovu tenderskih kriterija, koji uključuju visinu kontinuirane i jednokratne koncesione naknade, minimalnu godišnju realizaciju predmeta koncesije, poslovni rezultat, kao i na osnovu općih kriterija dodjele koncesije za istraživanje i eksploataciju krečnjaka na proširenom istražno-eksploatacijskom prostoru ležišta, “Crkvice-Kamenolom”, na dijelu parcele označene kao k.č.1338, K.O. Crkvice, Grad Zenica.
- b) Procentualno učešće kod vrednovanja ponuda je:
 - a) kontinuirana naknada maximalno 60 bodova;
 - b) jednokratna koncesiona naknada maximalno 20 bodova;
 - c) minimalna godišnja realizacija maximalno 20 bodova;
- c) Najpovoljniji ponuđač - koncesionar dužan je prije potpisivanja koncesionog ugovora Ministarstvu za privredu dostaviti:
 - geodetski snimak „nultog stanja“ istražno-eksploatacionog polja,
 - geodetski elaborat sa identifikacijom parcela,
 - uplatnicu za jednokratnu naknadu,
 - ovjerenu mjenicu sa mjeničnom izjavom na iznos vrijednosti minimalne dvogodišnje eksploatacije mineralnog resursa, koji iznosi 164.000,00 KM (slovima: stotinušezdesetčetirihiljade konvertibilnih maraka),
- d) Najpovoljniji ponuđač - koncesionar dužan je odmah nakon potpisa Koncesionog ugovora obezbijediti:
 - upis Koncesionog ugovora u Zemljišne knjige i dostaviti ZK uložak Ministarstvu za privredu, a u daljnjim upravnim postupcima i:
 - urbanističku/gradevinsku saglasnost za realizaciju projekta zasnovanog na korištenju predmeta koncesije, izdatu od ovlaštenog organa,
 - vodoprivrednu saglasnost, izdatu od ovlaštenog organa,
 - šumsku saglasnost, izdatu od ovlaštenog organa,
 - okolinsku dozvolu,
 - saglasnost Zavoda za zaštitu spomenika.

Član 6.

(Istraživanje i eksploatacija)

Istražne i eksploatacijske radove, kao i sve druge prateće poslove, Koncesionar je dužan izvoditi u skladu sa odredbama važećih zakona i propisa kojima je uređena oblast istraživanja i eksploatacije mineralnih resursa, te drugih važećih zakonskih propisa.

Član 7.

(Provođenje postupka izbora)

Zadužuje se Ministarstvo za privredu da, putem Komisije koju imenuje ministar za privredu, provede postupak prikupljanja ponuda, izvrši odabir i predloži najpovoljnijeg ponuđača.

Član 8.

(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-_____/18.

Datum, 20.07.2018. godine

Z e n i c a

PREMIJER

Miralem Galijašević

DOSTAVLJENO:

1x Ministarstvo za privredu,

1x Ministarstvo za prostorno uređenje, promet i komunikacije i zaštitu okoline,

1x Ministarstvo za poljoprivredu, šumarstvo i vodoprivredu,

1x „Službene novine Zeničko-dobojskog kantona“,

1x a/a.